

475

Au nom de dieu scaient toutz p(rese)ns et advenir  
que l an de grace **mil six cens quatre** e(t) le **dix neufvie(me)**  
jour du mois d **avril** a **montauban** apres midi regnant  
n(ot)re souverain prince henri par la grace de dieu roi de fran(ce)  
et de navarre ez p(rese)nces de moi not(air)e et tesmoins bas  
nommes dans la **maison de sire joseph baille**, establi  
en sa personne **led(it) joseph baille bourgeois natif et**  
**habitant de montauban** lequel estant sain et bien dispose  
de ses scens memoire entendem(ent) et parfaicte cognoissan(ce)  
bien voiant oiant parlant par la grace de dieu a dit( )et  
declaire / sans indu(iti)on ny suborna(ti)on/ ]~~par la grace de dieu~~[ de son plain gre pure  
franche et liberalle voulonte que **dans le caier papier**  
qu( )il a exhibe et remys devers moy( )not(air)e roial et fait  
sceler en sept endroitz par moi( )d(it) not(air)e e(t) de mon cachet  
lie avec filet de chanvre et a cire rouge contene[n]t  
trois fueilletz et presque de( )l( )un fueillet papier d( )escripture  
escript et signe de sa propre main est contenu son dernier  
testement disp(osition) et ordon(ance) de ses biens qu( )il veult et entend  
dem(e)urer secret jusques apres son deces et que soit son der(nier)  
testement et comme tel ait valeur et eficasse et par droit  
de codicille ou donna(ti)on a cause de mort et par au(tr)e meilleure  
forme et disp(osition) que de droit pourra valoir en jugement et  
dehors par v[er]tu du quel casse revoque e(t) anulle  
toutz precedens testemens et disp(osition)s et a( )prie  
les tesmoingz soubz nommes en estre records et  
memoratifz et a moi not(air)e roial soubz(sig)ne retenir la  
p(rese)nt acte que luy a este ]~~æorde~~[ acorde p(rese)ns m(aîtr)e  
pierre guy grefier sire jean martin merchant jean trabuc

.....  
bouchier philipe beraud merchant m(aîtr)e aymeri oliver  
procur(eur) en courtz roiales de mont(aub)an jean  
boldoire ysac lescure praticiens dud(it) mont(au)ban  
a l original signes avec le testate(ur) j. de baille  
testateur, oliver presant guy p(rese)nt j. martin  
j. trabuc beraud p(rese)n(ts) lescure p(rese)n(t) j. boldoire  
p(rese)n(t) et j. antoine feutrie not(ir)e roial  
dud(it) montauban, qui requiz ay retenu la p(rese)nt  
acte en foi de quoi me suis soubz signe  
feutrie not(air)e roial ainsin signes a l original  
**et depuis estant led(it) joseph baille decede**  
led(it) testament auroit este ouvert verifie et  
publie pardevent maistre jean de brassac  
con(seill)er du roy juge ordinaire de quercy et  
montaubn comme apert par le proces verbal  
dud(it) seigneur juge duquel ensemble dud(it)  
testement la teneur s( )ensuit l an **mil**  
**six cens quatre** et le **quatriesme** jour du  
mois d **aoust** a **montauban** et dans la **mai(s)on**

**de nous jean brassac** licen(cier) en droictz con(seill)er du roi no(tr)e sire et son juge ordinaire de quercy et dud(it) montauban envyron l heure de midi se presenta m(aîtr)e **jacob baille** aussi licen(cier) tant pour soi que pour ses fre(re)s et s(o)eurs quy nous a requiz de nous vouloir apporter jusques a la maison de **feu joseph baille son pere** pour proceder a l ouverture et publica(ti)on

---

476

du testament solenne du defunt qu( )ilz ont dict avoir este advertis estre au pouvoir de m(aîtr)e antoine feutrie not(air)e roial ou la vefve et sesd(its) fre(re)s ensemble les tesmoingz numeraires en l acte de( )la presenta(ti)on dud(it) testament se treuveroient ce que nous avons ofert f(air)e et incontinant sans nous divertir a aucuns au(tr)es actes nous sommes achemines lad(ite) / **maison dud(it) feu baille** assize a la **gache de tarn et tescon rue dicte des bans** acompaigne de m(aîtr)e estienne vaisset n(ot)re greffier ou estans arrives a lad(ite) heure de midi c est presante m(aîtr)e estienne brassart licen(cier) en droitz tant pour led(it) m(aîtr)e **jacob baille** licen(cier) que pour **ysac baille** qui a remonstre comment led(it) **feu joseph baille bourgeois leur pere** estoit **decede le dernier** du mois de **juillet** de l **annee presante** sur les **unze heures du scoir** comme nous auroit appareu le **premier** de ce mois d **aoust** que nous aurions **procede au cachetement des cofres** de l( )heredite dud(it) feu baille delaissees et a( )luy survivans tant ses parties **susanne** et **marie de baille enfens** et filles **du premier lict** dud(it) feu baille que  **david de baille** aussi son **filz du second mariage** et de( )tant que sesd(ites) parties ont este adverti(e)s que led(it) feu baille avant son deces avoit fait testament solemne qui est au pouvoir

---

de m(aîtr)e antoine feutrie not(air)e roial illec p(rese)n(t) a requis luy estre enjoint de( )le remettre pour apres requerir ce qu( )il a[par]tien(dra) et sur ce par nous interroge led(it) feutrie a dict et acorde avoir led(it) testament solemne du dit feu joseph baille luy aiant este laisse en garde par luy apres qu( )il eust retenu l( )acte de( )la p(rese)nt(ati)on d( )icelluy testament lequel il a incontinant remys devers nous cachette en sept endroitz de cire rouge d espaigne sur la liguature de filet blanc ayant d un couste de la page de dessus l acte de( )la p(rese)nt(ati)on d( )icell(ui) dactee du **dix( )neufviesme avril der(nier)** signe tant par led(it) feu baille testateur que par m(aîtr)es aymeri olie procur(eur) pierre guy greffier au sen(ech)al ysac lescure et jean boldoire praticiens philipe beraud jean martin merchant jean trabuc

bouchier tesmoingz ensemble par led(it) feutrie  
not(air)e led(ite) acte estant de telle teneur  
au nom de dieu etc led(it) brassart a requis  
estre procede a la verif(ica)ti)on de lad(ite) acte etc  
seingz tant avec led(it) feutrie not(air)e que avec  
lesd(its) olier beraud et lescure tesmoings illec

---

477

p(rese)ns les au(tr)es trois savoir lesd(its) martin trabuc et  
boldoire n ayant peu estre treuves pour ce que sont  
aulx champs pour leurs aferes et lesd(its) not(air)e  
et tesmoins p(rese)ns estre ouys tant sur la verite  
de leurs seingz et dud(it) feu baille que desd(its)  
au(tr)es tesmoins absens et ce fait estre procede  
a( )la lecture de lad(ite) acte m(aîtr)e geraud moyne procur(eur)  
aciste de marguerite de **cavalier vefve dud(it) feu  
baille** en qualite de mere et legitime administraresse  
dud(it)  **david baille son filz** et dud(it) feu baille pour  
l interestz que led(it) david son filz peult avoir en  
l heredite a fait sem(bla)bles requi(siti)ons q(ue) led(it)  
brassart sur quoi par nous interroges moien(ant)  
serem(ent) la main levee a dieu lesd(its) feutrie not(air)e  
olier guy beraud t lescure tesmoins susd(its)  
sur ce dessus ]s~~eavoir~~[ apres avoir bien veuz lesd(its)  
acte et seingz aposes a icelle ont dict l un apres  
l au(tr)e e(t )toutz d ung com(m)un ac(c)ord com(m)ent **led(it) jour  
dix neufviesme avril dernier** ayant este mandes  
venir comme aussi lesd(its) martin trabuc et boldoire  
en lad(ite) maison dud(it) feu baille ou nous estions  
led(it) feu baille dist et declara ausd(its) tesmoings  
qu( )il avoit redige par escript de sa( )propre main

---

son testament solemne dans ung caier de  
papier qu( )il dist qu( )il avoit signe lequel  
il leur monstra ou il avoit declaire au long  
sa voulonte derniere sur la disp(osition) de ses  
biens que vouloit estre secrete jusques  
apres son deces et tout au(tr)ement  
comme estoit porte par lad(ite) acte laquelle  
apres que led(it) testament eust este cachete  
en sept endroitz par led(it) feutrye du  
mandement du defunt fust incontinant  
redige par escript par led(it) feutrie not(air)e  
et apres le recit d icelle fust signe  
tant par led(it) feu baille testate(ur) que par  
eulx ensemble par lesd(its) martin trabuc  
et boldoire absens comme lesd(its) feutrie not(air)e  
olier guy beraud et lescure ont dit ]p[  
savoir pour recognoistre non seullem(ent)  
les seingz par ch(ac)un d eulx mys au pied de( )lad(ite)  
acte que aussi le seing ]~~de lad(ite) acte~~[ dud(it) feu

baille et les seingz desd(its) martin trabuc et  
boldoire pour les leur avoir veuz f(air)e lors que  
lad(ite) acte fust dressee lesd(its) brassart et moyne

.....

478

ch(ac)un pour ses parties ont accepte les dire desd(its)  
not(air)e e(t) tesmoingz et comme dessus lad(ite) acte estre leu  
et ce fait estre procede a( )l( )ouverture et publica(ti)on  
dud(it) testament nosd(its) juge avons ordonne que n(ot)re  
proces verbal seroit charge tant du dire e(t) requi(siti)on  
des parties que du dire et depp(ositi)ons faites par led(it) feutrie  
notere olier guy beraud et lescure tesmoingz et au  
sur plus qu( )il seroit procede a lad(ite) lecture d icelle acte  
ce qu ayant este fait nous avons procede a l ouverture  
dud(it) testament aiant coupe avec ung ganhibet<sup>(\*)</sup> les  
liens de filet blanc sur lesquels avoient este  
apposes les sept cachetz qui le tenoient ferme  
lequel testament avons treuve escript en trois feuilletz  
et deux page(s) de( )papier dacte du **dixie(me)** dud(it) mois d **avril** de( )l( )annee  
courante **mil six cens quatre** signe en deux endroitz  
J Baille l( )ung seing escript incontinant apres lad(ite)  
dacte et l autre apres ung petit guidon mys sur le  
com(m)ancem(ent) de la troiziesme ligne de lad(ite) page ou a  
seullem(ent) escript ses motz droit et faculte en dedu(cti)on de  
sa part au comm)ancem(ent) de( )la premiere page duquel  
testement y a telle suscription testament de  
joseph baille lequel testament est escript aprez  
estant de tene(ur) mon aide soit au nom de dieu etc led(it)  
brassart a requiz estre procede par nous a la verifica(ti)on  
avec led(it) feutrie jean rencau merchant e(t) jean  
vidalet chaussatier dud(it) montauban illec tant

.....

sur l( )escripture dud(it) testament que des deux  
seingz aposes a icelluy lesquels feutrie  
soubz led(it) serement par luy cy dessus preste rieucau  
et vidalet ay(-)ant juré aussi la main levee a dieu  
ont dit et depose l ung apres l( )au(tr)e tous d( )ung  
com(m)un ac(c)ord apres avoir veu led(it) testament et  
seingz aposes a( )icelluy que led(it) feu baille avoit  
escript et faitz les deux seingz y mys  
de sa propre main [co]m(m)e ont dit savoir  
et cognositre [par]fectement pour souvant l a(-)voir veu  
escripre et signer aiant coustume f(air)e sembla(bles) l(ett)res  
e(t) seing que ceulx qui sont mys aud(it) testament  
led(it) brassart (t) moyne ont accepte le dire  
desd(its) tesmoins et com(m)e dessus lad(ite) testament  
estre leu e(t) publie pour en estre faictes les  
expedi(ti)ons nece(ssaire)s quant e(t) a( )qui besoing sera  
led(it) feutrie requiert led(it) testament la recrea(ti)on  
dud(it) testament pour en f(air)e lesd(ites) expedi(ti)ons  
sur quoi par nous a este ordonne que de lad(ite)

verifica(ti)on de l( )escripture et seingz dud(it) testement  
n(ot)re proces verbal seroyt charge et qu( )il seroit  
procede a lad(ite) lecture dud(it) testement ce que  
incontinant led(it) vaisset greffier de n(ot)re mandem(ent)  
auroit fait en presance desd(ites) parties et  
tesmoingz susd(its) et ce fait a la requi(siti)on que

---

479

dessus par nous a este ordonne que led(it) testement  
estoit tenu pour publie et declaire bon e(t )valable  
lequel seroit baille e(t )rendu aud(it) feutrie com(me)  
n(ot)re proces verbal pour en f(air)e les expedi(ti)ons  
nec(essaire)s a qui appartiendra en quoi par nous a( )este  
interpose le decret et auct(or)ite judiciaire saulf  
le droit du roi e(t )d autruy p(rese)ns lesd(its) rencau  
et vidalet et ce fait nous en sommes  
retournes sans avoir procede en aulcunes aut(res)  
actes de ce dessus en foi de quoi nous sommes  
cy signe et fait signer led(it) vaisset greffier  
aud(it) montauban les an e(t )jour susd(its) brassac  
juge de vaisset greffier ainsin signes

Testement de ioseph baille mon aide  
soict au nom de dieu quy a faict le ciel et la terre  
ainsin soict je je ioseph baille cognoissant  
l infirmite de la nature humaine qui est de tendre  
a la mort pour raison des peches de nous premiers  
parens et l incertitude de l( )heure d icelle ]et p~~aree~~[  
et par ce que tandis que nous sommes en( )ce monde  
et val de misere nous ne cessons d ofancer  
la mageste de n(ot)re bon dieu e(t )pere par tant  
de nombre e(t )multitude de fautes et peches  
que nous cometons contre sa divine mageste

---

et que je me recognoi ung tres grand  
et abominable pecheur devient sa face et que par  
ainsin j ai grandement besoing de ceste grand  
bonte et infinie misericorde de dieu de laquelle  
j( )espere estre fait participant en faveur de son  
filz n(ot)re seigneur jesus christ lequel a efface  
toutz nous peches par sa mort et passion  
bienheureuze et l( )efuzion de son sang  
tres precieux et par ainsin nous a aquiz  
une redemption eternelle de( )laquelle je prie  
le pere de( )la vouloir apliquer par la  
vertu de son saint esprit comme seul et  
unique remede au salut de mon ame et  
du corps estan remys ensemble a la bien  
heureuse resurrection de( )la chair de laquelle  
je croi a( )la parition et second advenement  
de ce grand liberateur de noz ames jesus  
christ n(ot)re seul redempteur et sauveur car

c( )est par son moien que nous avons toute  
faveur misericorde e(t) grace enver le pere le  
prient de me vouloir conduire [par] son saint  
esprit tout le cours de ma vie et particulierem(ent)

---

480

en ceste action et resolu(ti)on que j ay prinse de  
fere mon testament et derniere disposition de mes  
biens de ce peu de biens que dieu m a donnes  
je en veux disposer en faveur de mes enfens  
pour esviter tous proces et diferens entreulx et  
estant en mes bon scens memoire e(t) entendem(ent)  
et en une petite disp(ositi)on toutes fois estant visitee  
de certaine infirmite de maladie de la main de  
mon dieu le priant m( )en vouloir delivrer par  
sa misericorde cy fait mon testament et derniere  
disposition en la maniere que s ensuit de rechef  
je invoque seste faveur misericorde de dieu et  
pere en faveur de son filz eternel n(ot)re seigne(ur)  
jesus christ n(ot)re seul sauveur le priant que  
auant je separera l ame de mon corps de( )la  
colloquer en son roiaulme bien heureux et  
celeste veulx que mon corps soit enseveli  
chrestienement au sepulcre de mes peres  
selon l ordre et discipline de l eglise reformee  
de( )laquelle par la grace de dieu j( )en suis  
ung membre d icelle incere au corps de  
jesus christ n(ot)re sauveur par le moien  
de( )la foi et en l( )esperance de( )la bien heureuse  
resurrection de( )la chair venant a la disposition  
de mes biens je donne et legue aulx pauvres

---

de l eglise reformee de montauban et pauvres  
des hospitaulx la somme de cinquante livres  
paiables [par] mesd(its) her(itier)s bas nommes dans l an  
de mon deces priant les administrate(urs) desd(its)  
pouvres de les departir aulx vraiz pauvres  
et membres de n(ot)re seigneur jesus christ  
**donne et legue a susanne de baille ma fille**  
legitime et naturelle e(t) de **bonne de( )segui** ma  
**premiere femme mariee** avec m(aîtr)e  **david guy**  
procureur en courtz roiales de montauban  
oultre le doct constitue e(t) paie comme apert par  
**l instrument de mariage retenu par** m(aîtr)e  **jean**  
**rey not(air)e roial** la somme de quatre cens  
livres et moien(ant) ce la faiz mon here(tiere)  
particuliere que ne puisse rien plus demander  
en mesd(its) biens le luy prohibant expres et a **son**  
**filz jean guy** mon neveu et postume ou  
postumes leur donne et legue la somme de cinq

soulz et moien(ant) ce les faiz mes here(tiers)  
particuliers que ne puissent avoir rien  
en mesd(its) biens comme aussi a tous au(tr)es  
que y pourroient pretendre droit donne / et legue  
a **marie baille** ma **fille** legitime et naturelle  
et de **bonne** de **segui** ma premiere femme pour son doct

---

481

et legitime la som(m)e de **doutze cens livres** payable  
par mesd(its) here(tiers) bas nommes savoir six cens  
livres le jour des nopces et les au(tr)es six( )cens  
au bout de( )l( )annee et moien(ant) ce la faiz mon  
here(itere) particuliere que ne puisse rien plus  
demander en mesd(its) biens luy prohibant par expres  
et pour ce que le fondement de tout valable  
testement est l instituti(on) d her(itier)s ou her(itier)s j( )ay de ma  
bouche nommes et de ma propre main escriptz  
comme le reste de tout mon testement mes  
her(itier)s universelz et generaulx scavoir **jacob** et  
**ysac** de **baille** mes **filz** legitimes et naturels  
et de **bonne** de **segui** ma premiere femme comme  
aussi **david** de( )**baille** mon **filz** legitime et naturel  
et de **marguerite** de **cavaliere** ma seconde femme  
et je leur ay voulu departir a chacun et f(air)e  
sa part de mesd(its) biens selon ma voulante afin  
qu( )ilz n( )aient proces ni diferent entreulx et  
premierement a david de baille mon filz  
legitime et naturel et de marg(ueri)te de cavalier  
ma seconde femme luy donne pour sa part et droict  
de mes biens la somme de **mil huit cens livres**  
lequel argent veulx que soit prins et baille  
par mesd(its) filz jacob et ysac des debtes que me

---

sont deubz jusques a lad(ite) somme de dix huit  
cens livres a celle faiz qu( )il en prenne le profit  
ou ceulx qui auront charge( )et conduite pour luy et  
oultre ce luy donne ma **bordete** que j ay al terroir  
de **paneseque pres le faubourg de tarn les**  
**montauban** confront(tant) de trois partz avec les terres  
de monsieur moilhet et d un bout avec la  
vigne de bernadi teulier et luy donne ung beau lust[re]  
a barres bandes et parquetz pour metre devant  
une cheminee et oultre ce veulx que soit norri et  
alimente et vestu d acoustrement nece(ssaire)s de trois ans  
en trois vec ung acoustrement seulement vieulx  
aussi que mon filz david prenne sa norriture alimens  
et giste a la compagnie et famille de sesd(its) fre(re)s et non  
ailheurs qu( )elle part que soit et advenant que par  
la malice des hommes qui ne peuvent soffir  
que freres soient ensemble et vivent en paix  
et qu( )il fust induit aller ailleurs et sortir hors

de la compagnie et famille de( )sesd(its) frere(s) pour prendre  
sa( )nourriture et alimens giste fust ce en quelle part  
quelle, qu( )elle fust ailleurs que jacob et ysac  
baille ses frere(s) soient quites en luy paiant po(ur)  
annee la somme de cinquante livres pour tout droit

---

482

de nourriture alimens et vestemens giste  
scavoir vingt cinq( )livres au commencement  
de l annee et les au(tr)es vingt cinq a la moitie  
de lad(ite) annee et je prohibe a jacob et ysac  
de baille de ne pouvoir tenir a l interest  
de l argent de david leur frere et que quant  
par la conivance et finesse de ceulx qui feront  
et conduiront les aferes de david mon filz  
laisseroient a retirer la somme de **dix huit  
cens livres** pour f(air)e venir le frais sur sesd(its)  
frere(s) qu( )ilz ne soient tenus d aucuns dom(m)aiges  
et interestz et veulx que jacob et ysac de  
baille norrissent vestent et entretiennent  
jusques a **l eaige de sectze** ans leurd(it) frere  
david de baille et non plus et ou mon filz  
david de baille decederoit en pupilarite ou au(tr)ement  
veulx que tout son bien vienne de plain droit  
a ysac et jacob de baille ses frere(s) ou a leurs  
enfens par esgales portions et venant le  
cas qu( )il vienne en eaige pour pouvoir disposer  
comme je pry dieu que luy en face la grace  
venir en eaige et vivre longuement et heureuzem(en)t  
et luy ]~~de~~[ donner li(g)nee et ou dieu l( )en voudroit priver

---

pour ne pouvoir dispozer en faveur d icelle et  
voudroit disposer ailleurs que en faveur  
de jacob et ysac de baille ses frere(s) ou a( )leurs  
enfens luy prohibe et defendz de pouvoir dispos[er]  
de( )la quarte trebellianique lequel droit ]~~de~~[  
je reserve a ysac et jacob de baille mes enfens  
et leurs enfens et par ce que mon filz david  
est en bas eaige ayant besoing de conduite et gouvernement  
et enseignement et instruction en la crainte de  
dieu et en la vraie foi et religion chrestienne  
et reformee de quoi prie mad(ite) femme sa mere  
freres s(o)eurs parens et amys de si vouloir emploi[er]  
come je laisse ma femme sa mere pour tutesse  
et legitime administrassee et la prie et somme  
de s( )y vouloir employer comme vraie mere natur[elle]  
en la conduite et gouvernement de sond(it) filz  
prieant mon beau filz m(aîtr)e david guy procur(eur) es  
courtz roiales de montauban de vouloir conseiller  
mad(ite) femme es aferes et le defendre contre toutz  
ceulx qui luy voudroient f(air)e tort et pour le



regard de **mil livres** que j( )ay recognues a  
ma femme marguerite de cavaleie comme apert en  
l **instrument de mariage retenu [par] m(aîtr)e pierre  
brandalac not(air)e roial** veulx que luy soient rendues

---

483

comme veulx aussi qu( )elle rende les joiaulx  
que je luy don(n)is en mon mariage en contempl(ati)on  
de noz enfens comme est **une belle et grande  
esmeraude en cueur tailhee** de la valeur de  
soixante livres pour le moingz **vingt rubiz**  
de trois esculz **ung mariage y aiant deux  
petites pierres une turquoize ung granat  
la bague fort poisante** de valeur de trois  
esculz neuf livres **une corneline une jassinte**  
les deux vaillans neuf livres et tout le  
tour d **une ceinture de perle de petitz botons d or  
rondz sans facon** de valeur de dix huict livres  
**une ceinture d argent poisant trois onces**  
veulx que le tout soit rendu a mon filz  
david baille je donne a **sire ramond  
garrison mon voisin** tout ce qu( )il me doibt  
veulx que les instrumens luy soient rendus  
et pour le regard du restant de tous  
mes biens je donne en premier lieu a **jacob de  
baille mon filz aisne** legitime et naturel et de  
bonne de segui ma premiere femme **ma maison  
ou je habite et les au(tr)es maisons joynantes  
devers la petite ruelle des bangz** confron(tant) lesd(ites)  
maisons scavoir la grande avec la **maison**

---

**des here(tier)s de m(aîtr)e jean durval not(air)e** d un  
couste du devant avec la rue des bans  
du dernier avec la muraille de la ville  
l une d icelles avec marie lacombe et  
jean rieucau son filz et l au(tr)e avec jean  
blanc cales et jean marie bonetier  
et avec ses au(tr)es confr(ontati)ons les bastimens  
seulem(ent) et non les meubles et pour le  
regard de toutz mes au(tr)es biens restans  
veulx que soient parties megerem(en)t  
entre jacob et ysac de( )baille mes filz les  
exortant que quant ilz viendront a  
partaige et division qu( )ilz la facent avec  
paix et comme freres et sans figure de proces  
je veulx que ysac de baille mon filz aie ^° et  
prenne **la tinturerie ensemble le jardrin et  
hedifice** les pairolz et tous les *utins* q(ue) y sont  
pour le prix et som(m)e de **mil livres** et  
non pour plus grand pris et venant  
le cas que dieu ne veuille que aulcun d eulx

decederoit et sans enfans que le droict

^° droict et faculte en deduction de sa part

---

484

vienne au survivant ou a ses enfens c( )est mon  
dernier testament et ma derniere disposition et  
voulonte veulx que vaille par testament  
codicille ou donation a cause de mort en la  
meilheure forme que fere se pourra priant  
toutz magistratz de vouloir luy donner toute  
force et vertu cassant revoquant et  
anullant toutes au(tr)es dispositions par cy  
devent faites que n ayent aulcune force ni  
vertu et parce que ce soit chose ferme et  
establie l ay escript et signe de ma propre  
main **a montauban en ]maiso[ ma maison**  
**le dixiesme jour du mois d avril mil six cens**

**quatre.** J. de baille ainsin signe. le **seitziesme** jour  
du mois d **aoust mil six cens quatre a montauban** avant midi  
regnant henri par la grace de dieu roi de france et de na(va)rre  
a este p(re)se)nt m(aîtr)e  **david gay** procur(eur) es courtz roiales de mo(ntaub)an  
lequel pour et au nom de **susanne de baille sa femme**  
absente a confesse avoir prins et receu de m(aîtr)e jacob  
baille licen(cier) et ysac baille merchant tinturier fre(re)s  
here(tier)s dud(it) feu sire josph baille testateur led(it)  
m(aîtr)e jacob pour luy et sond(it) fre(re) absent estipulant et  
acceptant la som(m)e de quatre cens livres t(ournoi)z en soixante  
pistoles d or d espaigne et le resideu en pieces de seitze  
soulz et bonne monnoie de laquelle c( )est contente et en  
quite lesd(its) here(ite)r)s leguee a lad(ite) susanne par led(it) feu baille

---

par le susd(it) testament de la quelle somme prom[et]  
les f(air)e tenir quite envers sad(ite) femme a laquelle  
il recognoist icelle somme sur tous ses biens  
p(re)se)ns et advenir pour luy estre rendue en cas de restitu[(ti)on]  
aussi promet de rien plus jamais demander sur les  
biens et heredite dud(it) defunt pour aulcune cause q(ue) s[oit]  
et ainsin l( )a( )jure p(re)se)ns jean rieucau merchant et  
ysac lescure praticien soubzsignes de guy rieucau  
presant lescure p(re)se)nt et je feutrie not(air)e  
roial ainsin signes /. Le mesmes jour ont este  
en personne sires marc dejean bourgeois tresorier  
des pouvres des hospitaux de montauban  
et **mariet debia merchant tresorier des pouvres**  
**de l( )eglize reformee dud(it) montauban** lesquels ont  
confesse avoir receu de m(aîtr)e jacob baille licen(cier) et ysac  
baille merchant fre(re)s filz et here(tier)s dud(it) josph baille led(it)  
jacob p(re)se)nt et acceptant la som(m)e de cinquante livres t(ournoi)z savoir  
ch(ac)un vingt cinq livres en soulz et bonne monnoir  
dont se sont [con]tentes leguee lad(ite) som(m)e ausd(its)

pouvres et a lad(ite) eglise et de lad(ite) somme quitent lesd(its) here(iter)s  
et promettent tenir quites envers lesd(its) pouvres et eglise  
p(rese)ns jean rieucau et ysac lescure soubz(sig)nes avec lesd(its) dejean  
et bia dejean debia rieucau l ainsin signesescure  
]a l original[ comme plus a plain tous ce dessus est contenu  
en originaulx desd(its) actes proces verbal testament et aquitz  
duquel le presant extrait a este tire par moi antoine feutrie not(aire)  
roial dud(it) mont(aub)an deument ... en foi et tesmoing de quoi me  
suis soubz(sig)ne

Feutrie, n(otaire) r(oy)al

(\*) *Ganhibet, ganhivet, gannivet : petit couteau, canif.*